

期

第

卷

一

第

# 國聞週報



## 目 要

- 北京宣布之新憲評論
- 中國麻雀牌業之勃興
- 丈夫之秘密(小說)

馬二先生譯

蔡受百

吳南如



潭 龍 黃 廣

## 本 期

- 發刊
- 社評(兩則)
- 越南法督被炸案別錄

政 之

大 庵 觀 者

行 發 社 一 國 聞 週

民國十三年八月三日出版

中華郵務局掛號認爲新聞紙類






莫千山日出之景



青島南海岸迤西旅順路風景





寺 生 雲 山 干 莫



宮 清 下 山 勞 島 青



## 名人錄



孫中山。名文。字逸仙。廣東香山。人。年六十二歲。早年於廣東中西醫學堂習醫。繼入香港醫學校研習。光緒十八年卒業。行醫於澳門。在澳組織興中會。是爲氏從事政治革命之始。旋移居廣州。光緒二十年中。日戰起。粵清吏不備。部署在粵起事。次年謀洩。亡走澳門。繼乃由香港日本檀香山美洲等處。赴英。所經諸地。僑民聞其革命及民主共和論。咸望風歸心。次年抵英。爲倫敦中國使館所誘禁。將押解清廷治罪。幸事爲氏香港醫校舊教師康脫尼所知。乃以之報告英政府。英首相因逮捕違反國際法。向使館提出抗議。始得釋出。氏旋返至日本。深結有志日人。再圖

起事。庚子義和團之變。氏以清廷不暇南顧。聯給粵省舊部。起兵惠州。詎日船密運械彈。愆期不至。事復失敗。氏乃再赴歐美。勸募革命用款。未幾卽留居日本。與黃興等合組中國同盟會。以厚勢力。決以推翻惡政府。建設共和政體爲目標。嗣後內國及回國黨員。先後於粵滇湘皖起事。屢遭顛覆。氏志不稍懈。仍秘密策劃調度。辛亥武昌起義。卒獲成功。氏由英倫返國。被選爲中華民國臨時大總統。民國元年春。因促成南北統一。向臨

時參議院辭職。讓位于袁世凱。周遊各省。倡三民主義五權憲法之議。旋任全國鐵路督辦。二年討袁失敗。東渡赴日。改組國民黨。任總理。六年國會在廣東開非常會議。組織軍政府。被選爲大元帥。七年軍政府改組。被選爲七總裁之一。因與桂系政見不合。離粵至滬。陳炯明軍由閩入粵。軍政府總裁陸榮廷等發撤廢軍政府宣言。氏與唐紹儀等通電反對。十年赴粵。復由國會選爲大總統。率兵由桂北伐。後路軍需不濟。乃重返廣州。十一年陳炯明叛。避居上海。十二年春再度返粵。任大元帥。以迄於今。



# 編 輯 者 言

△本報創刊伊始。編輯發行諸多不周。尙望讀者不吝教益俾得隨時改良。同人無任感禱。

△本期文字甚多。篇幅所限。未克全部付刊。對於撰稿諸君。不勝抱歉。如無線電工程師。方子衡先生之「中國無線電事業之經過」。南昌桂夢蓀先生之「贛省之教育」。濟南劉寰洲先生之「山東之政黨」。安慶吳冠斗先生之「六安匪患始末記」。何心冷先生特撰之小說「獄中」。以及關於電影批評劇談等投稿。均爲極有價值之文章。以稿件擁擠。未能登出。容於第二期以下分登。希閱者預爲注意。

△前國務總理唐少川先生。前司法總長財政總長董康先生。均約定有重要意見。在本報發表。第二期以下等可陸續披露。此外南北名士。願在本報發表意見者。尙有多人。統容按期揭布。

△本報原定有自由論壇一門。徵求各界投稿。擬從第二期起實行務望讀者踴躍賜教。不勝歡迎。

△本報輿論輯要一門。擬從八月一日搜集第二期始刊。

△本期所登孫中山先生肖像。爲最近攝影。蓋自來各報所登。均爲西裝或戎服之小照。茲乃華裝。彌可珍貴也。

## 目 錄

發刊辭.....記者

社評

外人私運軍火之禍因.....政之

各國退還庚子賠款用途問題.....冷觀

弭兵新論.....英國 Philike Baker 著 晨譯

越南法督被炸案別錄.....鄭笑庵

北京宣布之新憲評論.....吳南如

中國麻雀牌業之勃興.....蔡受白

一週間中外大事紀.....記者

丈夫之祕密(小說).....Beulah Sammis Wilson 著 馬二先生譯述

二孤女影片之新評.....記者

評風塵豪俠影片.....一得

名人錄



# 發刊辭

今之新聞記者其職即古之史官。而盡職之難則遠逾於古。昔蓋古昔史家紀述以一代帝室之興亡爲中心。而今世界新聞家所造述則包羅萬象。自世界形勢之嬗遷。以迄社會人事之變動。靡不兼容並蓄。且古昔史家著述旨在紀往以規來。義微言精。常論定於千秋百禩之後。今之新聞則一紙風行。捷於影響。上自國際禍福。下至個人利害。往往隨記者述叙之一字一句而異其結果。夫職責之繁難如彼。勢力之偉大又如此。宜乎新聞家之無忝厥職者不數數觀也。

抑近世國家所賴以治國範羣者。不外法律與輿論兩端。而潮流所趨。社會輿論之取舍。視法律所賞罰尤爲嚴切而有力。然而輿論何由表現。則又新聞紙之責也。自來新聞記者動好以指導輿論自豪。顧至最近。世變益劇。以社會內容之複雜。人羣心理之深邃。決非新聞家之直覺與思考所能盡窺底裏。於是輕率穿鑿之判斷。乃易失是非之公。而新聞紙上之毀譽遂漸漸不爲社會所重視。自新聞紙不能表現真是非而輿論之有無與其勢力之是否足重。乃成爲一社會問題。而治國範羣之一利器已寢寢失其作用。是非不明。功罪淆混。天下滔滔。大亂靡已。新聞記者失職之罪。實應與軍閥政客之禍國同科。此本社同人所由不揣棉薄。妄欲於新聞改造事業有所效力。亦區區精衛填海之微忱。固自知能力之足以副其所懷也。

夫醫者治疾必探病源。法吏斷獄先審情狀。欲使新聞所表現者悉爲是非之公。則論斷所加。先必基於正確之事實。否則雖極口誅筆伐之能事。受之者固漠然無所動於其中。甚至端人正士痛心於求全之毀。而巨奸大猾反玩弄社會心理於舉世不知不覺之中。斯真世道人心之大憂。初不僅新聞家一時之過失已也。吾人苟欲建造輿論之權威。第一當先求判斷是非之基礎。於是判斷資料之事實問題。首當求真確之發現。與忠實之報道。此同人所由三年以來屏除百務。以從事於通信事業。蓋欲搜羅社會各方之事實。一一寫照於國人之前。以供其自由判斷而爲構成真正輿論之資料。吾人自知負責至重。力小難勝。然孜孜焉求所以無背乎創業之初衷者。則固三年如一日。凡披閱吾人之稿件者。度能識之。繼茲以往。吾人固仍當努力奮鬥。以爲改造新聞之馬前卒。而不敢告勞。雖然吾人之願望猶不止此。

吾人確信時至今日。社會繁複。非新聞記者之智力所能一一了解。而確認其是非。則新聞家之職務。要以搜求事實付之公論爲主。若夫記者個



人之批評與主張。則僅能供公衆參攷或促成輿論之用。而決不能違冒社會輿論之尊稱。僭竊口含天憲之地位。觀於歐美日本各報。或多設自由論壇。或廣徵名士意見。可知時代造化之結果。新聞記者不能包辦輿論。已成確定之事實。則吾人從事通信事業者。因執業之便利上。得以根據事實。秉獨立之觀察。發自由之意見。固與原有之業務無關。而其批評與主張。自亦足以供公衆參攷或促成輿論之用。此同人所由於通信社之外。更同力合作於國聞週報之刊行。蓋仍本乎改造新聞事業之精神。欲於創造真正輿論上。多效一分棉力。至於通信之報告事實。不著意見。始終爲同人之所服膺。週報文字則一以自由發揮爲原則。本社同人散處各地。見仁見智。各有不同。獨立自由方見真實。是則週報之主張與通信社之稿件。絕對不相聯屬。斯又同人所願於發刊之始。鄭重聲明於社會各界之前者也。要之新聞事業。乃社會之公器。非少數人所得而私。本社同人服務通信社。久受各界之援助。今更組織週報。事業益增繁難。而所仰望於社會各方面之教益與後援者。尤爲殷摯。敢於發刊之始。略佈所懷。愛國君子。尙乞鑒之。



## 外人私運軍火之禍因

政之

自歐戰以後。各國存積軍火。爭求脫售。一以遠東之中國爲尾閥之洩。以故上海一隅。外人私運軍火之案。年來月必數見。增盜匪之兇焰。長中國之內亂。爲害不可勝記。近來中外各報。同致攻擊。中法新彙報甚至有概處死刑之主張。不可謂非中外輿論之一大覺悟。然而上海所發現者僅小規模之運售。其害不過至破壞治安爲止。若夫其他大規模之輸入。在中外雙方均有強有力者爲之主持。不特不易破獲。卽或發覺。國人亦瞠目結舌。無從處分。如從前之意大利軍械案及最近天津之美國軍械案。卽其彰明較著者。國人于此類事件。固亦大聲疾呼。同伸異議。然而曾不足以破其中外勾結之奸謀。則因外人利在金錢。純爲營利行爲。華人志存黷武。方幸實力加增。于中華民國之公意。固認爲不值一顧者也。夫使外人之意。僅以圖利爲止。則軍閥終有不戢自焚之日。尤不足發生國家根本問題。無如外人營利之結果。終將牽入政治問題。則實國家前途之一大危機。國人亦知歐戰之時。美國最初主張嚴正中立。其後何以忽然加入乎。在協約國及美國方面當時宣傳。不外反對潛艇政策維持正義

人道之說。實則文明愈進步則作偽之術愈工。宣傳之辭愈巧。美之加入歐戰。質言之。營利之結果而已。蓋當歐戰起後。美國對於交戰國雙方。均輸出原料品食糧品。爲大規模之商賣。迨後英國海軍封鎖海上。德國入口爲難。乃專向協約國輸售食糧軍需等類。一方面更大購英法之戰時公債。一時歐洲金錢。悉爲新大陸之所吸收。一九一六年末期協約國財政經濟益形危殆。俄既崩潰。德復實行潛水艇戰。英法危機迫于眉睫。美之資本家。恐協約失敗則種種投資將無著落。乃卒使標榜平和主義之威爾遜氏。張正義人道之幟。躍然蹶起。由此可見歐戰決勝之在于美國。而美國之加入相助。實協約國以營利誘致之結果。以彼例此。雖情形之大小迥不相侔。然因營利之結果。足以引外人與中國政治發生利害關係。而軍閥與外人間勾結將愈密。其爲禍于國家者較私運軍火之害亦將更烈。此則吾人于反對外私運軍火之際。竊願提此一重大問題。促國人之注意也。

## 退還庚子賠款之用途

冷觀

各國退還庚子賠款之用途。今日最有力之主張有二。一爲造路。吳子玉

主持最力。而英美工商界及僑華有力外人多贊助之。一爲興學。教育界



五年以來運動最力而各國人士頗多表示同情。俄國既以賠款興學明訂約章。美國國會亦於五月七日本此意旨爲大體之決議。法國則于中法協定載明以賠款一部爲興辦教育之用。英國國會近亦有贊成庚款辦學之趨向。大勢所趨。興學運動。實有成功之望。然而洛吳之建議在國內有甚大之聲勢。在國外得有力之附和。最後解決。有無變局。猶未可知。吾人對此兩方之主張。均有懷疑未安之點。願申述之。

庚子賠款訂于辛丑和約。乃前清少數親貴妄肆排外所獲之懲罰。以少數妄人之行爲。使四萬萬國民之子若孫。負擔四百五十兆兩賠款。至三十九年之久。其爲悖于人道正義。甯待多論。彼五年前舉世認爲神聖不可侵犯之凡爾塞條約。年來且常聞修正之議論。一九二〇年八月十日。處分土耳其之瑟佛條約。猶以土國革命成功旋得改訂。足知國際條約。在事過境遷之後。本可取銷或修正。以彼例此。則吾人要求退還不合正義之庚子賠款。迨爲國際道德進化時代應有之舉動。在施惠之國家。原不應因緣挾持。別冀報償。苟其有之。其爲不合正義。與曩之過度要素。正復相等。乃今之主張退還庚款者。咸附有一種有利於己之條件。或主修路則材料之供給。人材之任用。路政之管理。莫不公然要求。爲退款之代價。或主興學則學款之支配。教育之方針。莫不直接間接。爲有力之參與。此其流弊所及。實不在小。

夫就雙方之理論言之。如果外人不附條件。許吾人以完全自由處分賠款。則築路之利。確較大於興學。前日駐京美使館商務參贊某君來滬。邀

宴新聞界同人。席間演說于庚款築路之必要。慎重申言。驟聞之一若代洛吳疏通輿論者。其說要自有其理由。特天下事往往理論極正而事實不然者。則時與人之關係。有不可忽視者在也。方今交通部直轄各路。除受外人監督者外。無不日日受軍閥之剝削。以協餉名義報解軍門者。每年不下二千萬元。且軌轍所經。沿途軍人。動輒扣留車輛。包攬商運。濫發車照。致軍人之無票乘車者。在京漢京綏各路。有時占乘客百分之八十。而貨車所裝者亦大半冒牌之軍用品。遂使出資之旅客運商。反無位置以安身運貨。路政之腐敗破壞。軍閥負責任。即令添築鐵路。亦不過助長若曹提款毀路購械運兵之罪惡。于國民有何利益。況外人之懷抱野心者。又難保不利用軍閥好大喜功之心理。藉退還賠款之美名。圖勢力範圍之擴張。果爾則彼等競爭之極。必且引起國際之衝突。是何異開庭戶以延羣盜。又爲之開關交關之場。其爲危險。曷可勝言。

以今日中國之現狀。引進外力。大舉築路。吾人實絕對不敢贊同。然則賠款興學之說何如。夫吾人在原則上主張外人退還賠款。不應附以危害中國權利之條件。對築路如此。對興學亦如此。而區區之愚。以爲引外力干預育材事業。則前途之可慮更有甚于築路。蓋交通爲國家之血脈。教育則國家之靈魂。血脈受人扼制。固非吾人之所能堪。靈魂受人操縱。夫豈國民全體之福利。矧國際侵略。形態萬端。文化征服之可懼。尤遠過于槍砲飛機之威力。使將來文化事業之範圍。亦成爲各國勢力角逐之場。則往年朝鮮東學黨之亂象。甯能必其不大規模發現于後日之中國。斯



則杞人之憂。不容不喚起國民之注意者也。

夫各國之退還庚子賠款。實得力于教育界之運動爲多。而今日學校經費之窮乏。政府財政之困難。將欲發展文化事業。能得外來之鉅款。自屬最善之財源。吾人既已反對軍閥賠款築路之議。則對於教育界之意見。甯有異辭。雖然吾人竊有疑問之點三。第一吾國教育經費是否真窮。以吾人所見。若能分軍閥侵佔國庫之餘瀝。已足改善今日之狀況。則何以教育界迄無嚴正之主張。切實之運動。置國內應爭之款于不問。而時時乞援于外國。致冒誘致外人文化侵略之危險。第二退款興學原則之外。能否保持教育之對外獨立與自由。第三如果將來教育界有主義不同。政策歧異之外人。各各參加其間。以致內而釀成學界之黨爭。外而變爲國際之軋轢。吾人將何以善其後。凡此三點。吾人竊望教育界之志士仁人一深思焉。

抑賠款興學運動中。今已有損害國家之一事實。即法國金佛郎案是也。國人常知中法實業銀行之復業運動。乃該行中法雙方有關係人所主動。願以退回賠款。損害國庫。而使一私立銀行復業。其理由殊不充足。爲免除法國社會黨議員反對起見。乃以撥款興學之說。餌中法教育界有力分子。爲之疏通法國議員。卒得通過于議會。是此案黑幕之鬼影幢幢。中國號稱清流之學界先輩。實有人潛伏其間。觀于反對金佛郎案之聲。瀰滿全國。而獨不聞學界同人發一反對言論者。賠款興學之希望爲之祟也。平心論之。社會之先知先覺。因有撥款興學之餌。至于坐視國家

損失鉅萬而不問。或更從而加工幫助之。其將何辭以自解。要之吾人對于庚款用途。就今日之環境言。以爲興學較築路爲宜。若外人必設爲苛刻之條件以相要挾。則凡因而喪失或損害國家之教育權者。應認其罪惡與官僚軍閥之賣國亂政同科。

依吾人所見。庚子賠款之用途。以下列兩件爲最公道妥善。(一)外債整理。(二)裁兵經費。蓋中國積欠外債至十八萬萬之鉅。從前經手借款者之責任問題。乃國內法之關係。對外則終不能長此延宕。不求結束。將來統一告成。政治入軌。整理外債。必需鉅款。與其從新借債。受監督財政之束縛。曷若移各國退還之賠款。作整理外債之基金。在外人固普受其利。在國民亦免增担負。或則國事一定。厲行裁兵。裁兵所需。恐仍將乞靈外力。曷若移各國退還之賠款。爲裁兵經費之担保。以軍資縮減所得。定爲興學育材之專款。國政之障礙既除。庶政之進步可期。影響所及。中外交利。以上兩端。利益既完全普遍。且無流弊可言。即使興學運動。目前可慶成功。他日統一定局。仍宜本此改訂。蓋賠款興學。僅爲救濟一時之良圖。而上述兩端。乃真利國福民之大計。世之識者。當不河漢斯言。



# 弭兵新論

英人巴柯氏 Philip Baker 原著  
晨譯

著者巴柯氏曾服務於英國外部。西集爾爵士 Lord Robert Cecil 代表英國出席日內瓦國際聯盟討論軍備問題時。充裁兵委員會委員長。而巴氏即為其秘書。因於各國軍備問題。研究有素。茲編所述。透關精警。足資參攷。因為轉譯。以諗國人。

裁減軍備之呼聲。幾徧衆口。世界各國人民。莫不渴望裁減之實現。即各國政府亦莫不謂具此宏願。願議論者有之。研究者有之。見諸國際聯盟規約第八條規定者亦有之。而實行裁減者終未之見。各國政府雖間有以經濟上之原因。略減其固有之軍隊者。然並未有共同普遍之裁減。且亦未能進行締結足使裁減實現之國際協定。歐洲今日。固依然一軍營之世界。夫使各國政府。果有裁減軍備之決心。則此事之可成功。本無疑義。華盛頓會議關係各國。接受美國之海軍計劃書。當時各國莫不抱有達一偉大結果之志願。故在會議開始而後。雖列強於海軍軍備仍有危險之競爭。而終能收其所望之偉大結果。實行部分之裁減。

然則向之各國施諸海軍之辦法。今日曷為不可施之於歐洲各國之陸軍及飛行軍。是豈由於各國之無誠意與決心乎。抑因領袖歐洲之各國政府不肯以真面目示人乎。換言之。豈此事之癥結。即在乎歐洲國家所持政策之罪惡歟。凡熟知歐洲政治者。固不願否認今日政治家之罪惡。然以軍備一端而論。則未必即因此罪惡而生進步之窒礙。各國政府於裁減軍備預算。確極關心。華盛頓會議簽訂海軍條約之五強歐洲

強國即佔其三數。國際聯盟會。且將徵求其他歐洲國家之同意。使未參與者。亦遵守該約之原則。立一新條約。以完成華盛頓會議。此種辦法之命意並非參與和約之國家以戰勝者自命。強迫戰敗國家亦裁減其軍備。但係欲使此等敵國先行裁減軍備。庶各國得安心作普遍一致之裁減而已。

國際聯盟此種見解並非虛語。實為一種誓約。歐洲各國均有實踐之志願。其所以今日猶未能實踐者。亦非因迷信武力。乃迫於恐怖之心。理此為設置軍備之根本原因。而各國政府與夫人民所以冒絕大犧牲以求國家之安全。其故亦即在此。此種國家安全觀念。問題當於下文述之。今請先言軍備之現狀。或謂歐洲軍備問題。可以華會海軍條約辦法應付。或以為軍備問題之困難。與華盛頓海軍裁減之困難相同。可以同謀解決。此皆為未能了解本問題之內容。歐洲陸軍問題較諸華會海軍問題。錯綜複雜。不啻倍蓰。在技術經濟各方面。尤多種種困難。其有對此懷疑者。殆已忘却主宰歐洲軍備之兩重要事實矣。

所謂兩重要之事實。第一為下次戰爭之本質。第二為各國政府可



共資信守之限制及削減陸軍及飛行軍軍備條約其起艸之艱難。各國人民國家安全觀念。在大戰之前。即已堅強。今又加盛。亦皆因此兩事實而來。凡此皆為裁減軍備之根本問題。苟非有切實了解。實無解決之可能。至何者為下次戰爭之本質。

何以此事關係重要。其答案雖無確定之事實可舉。但茲據專家之見地。幸亦非全屬揣測之辭。苟此等專家之見地為不謬。則下次戰事將有不可思議之恐怖。與破壞之結果。為前者世界所未有。戰術苟日進無已。則戰事亦將全變其本質。

各國主持軍事訓練及接濟事項之技術部。其內容情形。絕非外間人士所能知。在一九一四年至一九一八年大戰中。四年間戰事本質。變化甚大。而

人民皆莫有能知之者。戰事之末年與開始時。戰術顯然大異。即戰前之軍事思想家。亦未能預先想象。其可怖與破壞之程度。咸出人意料。苟當時戰事延至一九一九年。則戰術之變化與可怖。當尤有甚焉。

## 世界最近發明之新戰器

英人瑪賓胥 H. Grindell Matthews. 前發明以無線電由陸上駕駛海上馬達船艦之法。英政府獎以十二萬五千金元。今復發明以一種光線停止飛機或其他機械動作之方法。此項光線非人目所能見。光線濃厚時。為所照射之飛機。其兩翼所蒙呢布。即自燃燒。故飛機遇之決難倖免。若以此光線以照射步軍。則當者亦莫不死傷。

挪威發明家歐森 Nils Aasen 近有三種軍事新發明。二種供防禦戰事之用。一種供攻擊戰事之用。其關於防禦者。一種為炸藥及毒氣炸彈。可用無線電流從遠處觸其爆發。防禦者應用此種炸彈。即可敵多數之敵人。歐氏聞擬以此發明貢諸美國政府。其他一種防禦器則為毒氣地雷。亦係應用無線電浪觸發其機括。發射丹麥化學家所發明之衰化物毒氣。以殲殺敵人。其關於攻擊用之發明。則為一種深水炸彈。力能炸毀最厚之鋼板云。


歐洲昔日大戰。由國家軍隊之爭。演成武裝國家之爭。戰事之變化。亦由此而起。此種變化。已覺顯著。然以之比較一九一八年停戰後戰爭意義所生之變化。則猶變化之小焉者。蓋當時之戰事。猶限于前敵戰壕間之戰鬥。步炮隊之截擊。最後

仍恃步兵以決勝負。若以言近來之戰事。則將應用現在進步中之方法與軍器作戰。非復屬諸前線步炮隊之戰鬥。雙方交戰團之目的。亦不在壕壘中之武裝軍士。而在乎給養軍隊之全體人民。屆時人民所受保護之程度。轉不及前線軍士。戰事中交戰國生命財產之損失。將超過上次戰爭被毀區域者萬萬。在一九一八年致勝之軍械。至是於新戰術中。將成廢物。蓋以施用新式戰術猛攻敵軍可

使全軍立刻降伏。無待更以槍炮作戰具矣。

上節所述。並非不經之談。亦非昧於事實者之空想。實為曾經服務法國戰場海陸兵士飛行家化學家明確之意見。若輩深知飛機於化學





圖彈炸機飛之式新最

品之攻擊及新進步之戰術。足以主宰將來之戰事。故特具此種見解。大戰之中。德國攻擊倫敦。僅以三十六架飛機行之。此種攻擊。效果顯著。英國生命財產。既受相當損失。英帝國中樞之生產能力。亦一時爲之障害。但當時英國之近鄰。（譯者按專指法國）于通告發出二十四小時內。即能集中飛機二千五百架之多。較諸一九一八年攻擊倫敦之飛機。乃增至七八十倍。且各機并有極高之速率與載極重炸彈之能力。較諸現時德國飛機之能力。實遠過之。由空中拋擲之炸彈重量達四千鎊以上。較上次戰時中之炮彈炸彈。大逾數十倍。然以之與今日大飛機力可載運之炸彈。則猶等諸兒戲之具而已。

（未完）

## 中華學藝社募捐延期啓事

本社第一屆募捐期間原定七月三十一日截止。現因各隊隊長

紛紛來函均謂募捐刻正進行萬難如期結束。且因帳轉託人費時尤

多。遂于七月十四日由本社第一屆募捐委員會議決。本社募捐延至

十月三十一日止。除另函通知國內外各隊隊長外。特此聲明。



# 越南法督被炸案別錄

駐粵鄭笑庵記者

## ▲越南解放運動之一瞥

法國安南總督梅蓮氏在沙面被炸案發現之半句鐘自廣州渡香江舟抵虎門與一客值相與攀談言及沙面炸彈案愚表嘉憫越人之意客得言情若大慰更語愚曰越人革命誠意中事願言所諗許乎愚深善之客之言曰越南淪亡垂四十年解放運動良非一朝未爆發者却有二因

### (一)法人監視甚嚴(一)

越人不良份子往往為外人鷹犬以圖虛榮職此二因黨人意見據於前說不甘使不良份子愈于不道德境界含辛茹苦忍痛待時此誠莫可如何者

法國政府之新領袖  
赫里歐氏  
(Edouard Herriot)



赫氏為法國急進社會黨領袖曾任里昂市長二十年長于經濟學其政策以多力對帝國主義為主對於殖民民地以發展其經濟力為要義不僅徵兵服役為滿足

動則為速率之進展香江日本及英美諸國咸設機關呼籲愛人類愛和平者之援助此次沙面炸彈之放發暗殺團之組織固產生於此等機關又即國外解放運動之一藉以直接呼起各國人士對越南之注意也沙面炸彈之放發自日而粵艱苦彌深不徒有秩序有組織而已者聞暗殺團之入粵計得四名可放發炸彈機緣則三次首次為沙面白鵝潭碼頭再次為法國領事署三次則城多利酒店所以必至第三次而後行者以一二兩次皆有各國人士雜處其中不忍無辜者同歸於盡

然時之降臨或當弗遠主要關鍵則越南所行之徵兵制也致十餘年來越人從軍達三十餘萬歐洲喋血時越人之為法捐軀者厥功殊顯今此數十萬軍人如夢覺矣依目前論革命進程思慮行動兩稱縝密抑秩序與組織尤戛然可道聞以不忍同胞之被難國內運動稽不實行國外運

第二次機緣方欲謀炸事機亦幾至洩露緣越人有不良份子四人隨途偵窺越人行動彼四人者幾有以危暗殺團矣暗殺團詢知之迅約作荔枝灣之遊謂昌華舊苑百粵勝地不可錯過彼四人諾之輕棹破浪擡舟白鵝潭邊暗殺團深識彼四人者之不義謂甯不為邦國念乎彼四人甚



悲立墮河死。謂謝國人越人不良份子。既折域多利酒店之炸彈。放發遂得實現。

客言至此。夜色沉闌。詞鋒乃屏而示。愚以文件者三。一行刺越督烈士范鴻泰事略。二范鴻泰之遺書。三越南國民黨對沙面暗殺案聲明書。愚披讀之餘。方詭客之姓氏。客笑而不言。固請客曰。天涯走馬。毋須贅也。愚惟心焉儀之。舟抵香江。客更前而握別。且以東游扶桑相告。愚以客言良饒興趣。亦垂心越南事情。所宜研究也。泚筆述之。并附其事略與遺書兩件。如次。其聲明書則容另篇續紀。

行刺越南總督范烈士鴻泰事略

烈士姓范名鴻泰。越南義安省人。少時奇嶷。有大志。每見法人虐待越人。輒憤然曰。人非牛馬。胡甘受此荼毒。余誓為吾族雪此恥。稍長。就塾攻漢學。一日讀史記至韓張良狙擊秦始皇事。竟掩卷唏噓曰。韓之亡。未若我越亡之慘。始皇之暴。未若法人之暴。子房且決心以復仇。今我越人所身受者。酷於良。千萬甯能忍此終古耶。塾師固冬烘者。流聞之急掩烈士口。且責之曰。孺子何知狂妄。若此。法人聞之。亦爾族矣。烈士怫然曰。夫子猶以為我越人之族。未赤耶。往者君主之暴。或赤人之族。然不過一二人之族而已。而法人直不啻舉吾全越人之族而赤之矣。吾越自亡於法人之日。四十年來。越人已奄奄無生氣。有口而言論。非敢言也。有耳而教育。非所聞也。有手有足。而法人束縛之。無自由也。我越人非得法人之許可。而聚合三數人。必受重罰。由此鄉過彼鄉。非得法人之允許。紙亦受重罰。

其敢偷出國門一步。以求學者。必目為亂黨。查抄其財產。屠戮其父兄。必使吾族無一人敢越法人之樊籠。而後已。吾族雖靦然人也。曾馬牛之不若。軀壳雖在。精神已亡。直半死之人耳。與其為半死之人。而受法人之嚴刑峻法。竭血汗以供租稅。勞筋骸以聽驅策。猶不得一日甯帖。曷若為全死人之為愈耶。嗟呼。吾族之精神久赤矣。向以驅壳猶在。而忘其為死人耶。塾師以烈士言論激烈。恐禍及已。乃將烈士斥逐。烈士遂決然捨去。漢學投身於法人所主之工藝場。專學鑄鐵。科蓋烈士之志別有所在也。既二年。知法人之所授者。即雖工藝亦僅予越人以糟粕。嘗語諸同學曰。處法人之治下。而欲求學。不啻養成一種之奴隸根性而已。無學問之可言。無怪我國近二十年來。熱心志士。冒千難蹈萬險。犧牲一切。以遠求學於異國也。余雖不才。誓必步諸志士之後塵。安能鬱鬱久居此黑暗之地。獄耶。諸同學皆敬之。烈士既懷此志。乃于壬戌年潛渡日本。學於某校。見日人百凡自由。輒泣然曰。不自由。毋甯死。吾死志決矣。時旅日諸同志均壯烈士之志。烈士因與諸同志組織一義烈團。誓必將法人之不顧人道。而專以苛酷之政待越人者。全數擊殺。而後已。願烈士離越既久。不能復反國。鬱鬱不得行其志。適此次法越南總督梅蓮氏作亞東各國之遊。名為攷察政治。實則別有所為。其野心正未可限。梅蓮氏者。曾任法領非洲總督。去年始改任越南總督。平生專以鋼蔽越人智識。剝越人膏血。為事在非洲時。嘗派越人之涼血者。假游學為名。暗懷毒藥。以毒殺越人。旅外諸學生。蛇虺之心。實歐亞古今之所未有。此事為法人所派之偵探。



陳啓明阮尙玄所供認并有毒藥爲證。各團員自梅蓮氏抵日均甚憤激。卽宣布梅蓮氏死刑。烈士遂慷慨以擊殺梅蓮氏。自任初擬炸之于東京。苦未能下手。乃暗隨梅蓮氏。自日而滬。而粵途中均不得適當之機會。及抵沙面。法人開歡迎會于域多利酒店。烈士偵知之。乃懷炸彈俟諸鄰近。及設席烈士乃將彈從窗外投入。既爆發。烈士以爲數尺之內。梅蓮氏必死。已志已償。遂自投于珠江。以死時年僅三十歲。嗚呼烈矣。

### 越南烈士范鴻泰之遺書

越南光復團義烈團團員范鴻泰謹鞠躬致敬。宣告於世界諸君子之前。曰。鴻泰。越南產也。生長於最兇橫最野蠻之法人。強權下久思有以抵抗。而脫離之。故自越南光復團義烈團成立之後。卽列名黨籍。奔走黨事。願以身獻。本年四月奉本團命令。擊殺駐安南法全權馬連氏。以種種困難。至六月十九日。馬連氏抵廣州沙面地方。始得施以炸彈之轟擊。該氏歷任法領非洲總督。自督越後。專以治菲之野蠻政策對待越南。禁人出洋。禁人游學。禁人自由。集會。禁人自由言論。種種苛行。筆不勝書。近又利用越南無恥之棍徒。餌以金錢。假以官爵。派赴各處。陰結黨人。密相機宜。投以毒藥。實屬最低劣最陰毒之絕無人道手段。該氏現已被選爲法國候補大總統。行將歸國。遠去越南。故又假託遊歷之名。遍往亞洲各國。施以對越南之種種外交手段。其虐待越南人民。掩蔽列強耳目。美之於菲律賓。賓英之於印度。緬甸。實無此種狠毒罪惡。貫盈已不勝誅。鴻泰奉義烈團命令。專事擊殺馬連氏一人。惟倉卒轟炸之際。崑玉池魚。不無延累。是誠

萬不得已之恨事。想連累諸君子。當亦原諒而曲宥焉。鴻泰奉有黨命。爲越南四十兆同胞犧牲。死不足惜。惟願全世界洞察而救之。使越南民族得全在於地球上。則鴻泰當亦啣感於九泉矣。甲子年五月十八日。卽陽歷六月十九日。越南義烈團覺員范鴻泰敬告。

### 重物輕人

上海社會。重物輕人。一幢之屋。恆居廿餘人。平均每人所佔恆不及十方尺。而大商肆玻璃窗內。所陳列之貨品。每疋綢或每件牀櫃等。恆佔數方尺地位。且人之住宅。皆在小弄中。而商店則多在熱鬧街市。地皮之租價。相差甚遠。若以其所佔地位之租金比例計算。則陳列商品之所費。較居人之屋昂貴數倍。



# 北京宣布之新憲評論 (一)

▲弁言之失體

著者對於北京宣布之新憲。逐點研究。著有評論多節。以後當陸續在本週報發表。茲篇其發凡也。吾人就全國民意觀察。認憲法問題。猶未解決。凡研究此問題者。幸加注意。公開討論焉。 記者識

自去年十月北京新憲公布以來。東南人士既大抵漠不注意。即北方號稱尊崇者。亦陽奉陰違。固由於該法產生方法之不當。亦由於內容窳敗之隨在不免也。批判摘發。以爲將來之借鏡。務使日後根本大法。臻於至善。將使國人縱欲棄憲而不能。此固吾人應肩之天責也。

北京新憲全部共一百四十一條。分爲十三章。一曰國體。二曰主權。三曰國土。四曰國民。五曰國權。六曰國會。七曰大總統。八曰國務院。九曰法院。十曰法律。十一曰會計。十二曰地方制度。十三曰憲法之修正解釋及效力。憲法之首冠以弁言。文曰。「中華民國憲法會議。爲發揚國光。鞏固國圉。增進社會福利。擁護人道尊嚴。制茲憲法。宣佈全國。永矢咸遵。垂之無極。」嗚呼。號稱中國堂皇一部憲法。絞數百人之腦血。費十二年之光陰。而始鑄成者。孰意其開宗明義。即鑄大錯。宜乎其通盤皆錯。以至錯到底也。夫憲法者。乃國民自身之法律。惟國民能制之。而後能自受其束縛。憲法會議者。受國民之委託。遵國民之暗示。從事制憲。制成之後。復須得國民之默認。而後始能有實際之效力。是故非憲法會議能制憲。乃國民使之制憲耳。非憲法會議有制憲之權能。乃國民授與之權能耳。今不曰中

華民國國民制茲憲法。而曰中華民國憲法會議制茲憲法。夫豈加於中華民國國民之拘束（即憲法）者。非國民自身。而爲另一少數人之團體（憲法會議）耶。若然。則中華民國豈復成爲獨立自主之國。抑豈中華民國憲法會議能不顧人民之公意。而悍然獨行。制訂憲法耶。若然。則憲法會議。宜可以改民主爲君主。改共和爲專制。定憲法會議爲最高主權之所寄。藉曰能之。則茲憲法也。信爲憲法會議所制之憲法矣。藉曰不能。則猶是囿於民意而不敢爲。則猶是代人民而制憲。而非自身以自由之意思而制憲也。夫代人民而制之憲法。乃自稱曰憲法會議所制之憲法。何以異夫代理人爲本人訂契約。不曰本人所訂。而曰自身所訂。外交官代表政府而締條約。不曰政府所締。而曰外交官所締。淺而言之。僕人爲主人置田產。田產之上不署主名。而署僕名。嗚呼。反奴作主。本末倒置。失體之事。詎有加此者乎。

美國憲法制訂之時。各州代表會於費城。其討議條文之際。常自知彼等乃代人民而定憲。議決新政府之形式。應用「我合衆國人民」之字樣。故其憲法開首之弁言即云。「我合衆國人民爲欲組織完成之聯邦。樹

吳南如



立正義。保障和平。設置共同之防衛。增進一般之幸福。併確保我人民後裔之福祉起見。謹爲美洲合衆國制茲憲法。」此其措詞何等正大較之北京憲法所載者。不幾有天淵之別耶。

近者如德意志共和國憲法亦云。「德意志國民。意欲協和國內民族。併依自由正義。改造國家。鞏固國本。以維持內外和平。促進社會進步。爰定

茲憲法。」其他如普魯士憲法。捷哥斯拉夫憲法等。均莫不聲明國民佈憲之義。獨我國以憲法會議而僭竊國民之權威。未知今日號稱行憲革憲諸公。莫非昔日起草委員份子。而爲制定憲法之萬能之神。其將何辭以解釋我被支配被制定之中華民國人民之疑竇乎。（本節完）

## 利市十倍之大學投機事業

何心冷

上海人易發狂熱，盡人所知，數年前之交易所，近年來之大學，都爲投機事業之一種，惟交易所因政府取締嚴嚴，迄今存在者，僅三數家，大學則方興未艾，有名流爲之保障，前途更無限量，且大利可得，故人尤樂爲之，北京方面，亦爲此種狂熱所中，故京滬兩處之大學，乃多如街頭之垃圾，余亦熱中之一人，草預算一紙，姑以上海爲標準，集合五人，每人於開辦時祇須出資百元，半年間即可得淨利十倍，謂余不信，請觀左表，

### 收入

學費(三百人半年) 二七〇〇元  
膳費(一四三人每月六元) 五一四八元  
宿費(九四人每人月納四元) 二二五六元  
保證金(每人五元) 一五〇〇元  
書籍費(每人預交四十元) 一二〇〇元  
游藝會收入 一一一九元  
會計員保證金 六〇〇元  
半年共收入 一萬四千五百二十三元

### 支出

薪金(每小時一元不到按分扣資) 二四九六元  
膳費(每客按四元五角計) 三二一七·五元  
校舍宿舍租金(在華界) 九〇〇元  
電燈(僅裝宿舍電話無) 一二〇元  
書籍費(付書坊七五扣) 九〇〇元  
游藝會支出(校長經手) 二五〇元  
宴請名流(開辦時用大菜十六客) 一二·八元  
校具 六〇〇元  
雜支 二二〇元  
廣告費 二〇〇元  
半年共支出 八千七百十六元三角

總計贏利五千六百零六元七角



## 中國雀牌業之勃興

蔡受百

五年以前。麻雀牌之名。除在中國外人鮮有知之者。即知其名。亦鮮有注意及之者。三十年以前。即我國人士。諳此種賭博者。亦尙居少數。而今則無論中外人士。皆嗜之如狂。世界各國。幾無不以此爲茶餘酒後之消遣品。外國各種報章雜誌。每津津道其賭博之方法。及發明此牌之原委。一般以此爲營業者。又故作種種恢誕奇詭。聳人聽聞之言。以引起公衆之好奇心。有謂當春秋戰國之時。我國上流社會。即以其爲賭具。即孔子於研討學問之餘。亦嘗把玩及此。其荒誕不經。有如是者。蓋外人於中國情形多不熟悉。生於佗僚無聊之中。無事可爲。乃杜造此牌。以爲消遣。後竟以此售得善價。其生活乃賴此以維持。此說在歐美各國知之者尙少。蓋販賣者因其

馬三先生



西洋酒館有一種酒  
名曰百萬金錢商業  
中人恆飲之以爲發  
財預兆據傳北京德  
發債票共得九百萬  
圓特不知此杯乾後  
又將如何耳

而孔子之名。則無不知。亦無不敬佩者。業此者乃以孔子與麻雀牌牽涉。價。其生活乃賴此以維持。此說在歐美各國知之者尙少。蓋販賣者因其



平淡無奇。不足以引起公衆之興趣。故不願宣傳。使其營業衰減。彼等多好我國歷史上之偉大人物。遠者如孔子。近以如李鴻章等。與此業牽涉一處。作種種補風捉影之談。俾喚起公衆之好奇心。以推廣其消場。且可使此業與大人物之姓名共垂於不朽。其計未嘗不巧也。關於此牌之起源。尙有一說。謂當三千年前。甯波有漁夫數人。創造此牌。專供於船內消遣。其時此種腦筋簡單之商人。謂當乘船時。若集其心力於一事。則可防止暈船之病。故於船中常以此消遣。俾使其精神有所寄託。自無暈船之患。此種賭博。究能祛此病否。爲另一問題。姑置勿論。但以今日之情形觀之。甯波漁人中之喜又麻雀者甚多。則此說或有幾分來歷也。尙有一說。謂此牌乃一明代姓馬之將軍所發明。此說知之者雖較少。但亦有一部分之理由。蓋麻雀牌亦有人稱之爲馬將牌。因其字及音之關係。遂有人以馬將爲姓馬之將軍。據謂此馬將軍當天下承平之時。其手下之兵士無所事事。每於外間滋擾平民。將軍乃特造此牌。專供其兵士消遣。俾使彼等專注意於此。不再發生不軌之行動。說者並舉出種種證據。謂牌內之各種名稱。多與陸軍有關係。如牌中之東南西北風。乃代表我國之城門。蓋我國之習慣。多以東南西北爲城門之名稱。馬將軍於攻城陷陣之餘。常出入各城門。乃故以其所受得之暗示。名其牌。此外如牌中之「索子」。其形如軍中所用之箭。牌中之「餅子」。形如箭靶等。因其說來原原本本。聞者每信之。其實究竟確否。亦無人能證明之也。

總之此牌究爲何人所創。及創自何時。至今雖無定論。但其產生與我國

歷史上之大人物毫無關係。則可斷言。此凡稍有常識者。類能知之。近歐美各國對於麻雀牌需求之增加。有一日千里之勢。而美國人士嗜之尤甚。此半由於此牌本身確有幾分魔力。半亦由於各麻雀牌公司廣告宣傳之效。乃能風靡一時也。我國近年來麻雀牌之出口總額。究爲若干。現尙無準確之數。因此種貨物出口時。每雜入零星雜物項中。並不標明何物。故海關貿易冊內。於其出口總額。未能有詳細之統計。料想近一二年。此牌之出口必斐然可觀。此可斷言者也。茲將當民國十年及十一年間。由上海出口之麻雀牌。列表如次（以下以海關銀計值）。

地名	民國十年	民國十一年
歐美各國	六・三〇五	一九八・八一〇
香港	一三・一七四	三三・五八七
國內各埠	二七・八〇五	二四・六三〇
復運出口者	五・七〇二	八・五〇四
共計	五四・〇五六	二六五・五三一

於民國十二年五月。中華懋業銀行所發專述關於市場情形之月刊內。曾述及我國所出口之各種零星貨物中。麻雀牌有日益增多之勢。迄今國外對於此牌之需求。恐已達最高度。現求者之多。實超過於供者。故製造此牌多努力增加其出品。但按此情形以推測之。製造者既日增多。其出品不已。又因局外人之加入此業者日多。則長此以往。將來必有供過於求之一日。屆時出口必衰減。價必跌落。故此業之前途。尙未可樂觀也。



此種推測。誠極有理由。蓋現今國外對此牌之需求。雖仍繼續長增高。供者雖仍未超過求者。但供給之增加。實較需求之增加為速。此大半因外人亦有創設工廠專製造此牌者。其工廠之規模甚大。且援用新法。不純藉人工。故出品之增加極速。有人預料今年我國麻雀牌之出口。其總額當值三百萬元之譜。蓋上海去年自一月一日至十月三十一日十個月內。其麻雀牌之出口總值。竟達海關銀一百四十三萬八千四百八十五兩。由此推測。則今年其出口總值在三百萬元之譜。實非妄論。茲將去年十個月內之出口詳情列表如次。

地名	價值(海關銀)	地名	價值(海關銀)
英國	三四·三四八	荷蘭	一·九六七
香港	一一八·〇五八	我國沿太平洋口岸	一六
英屬印度	三·一九五	日本	四·七五四
新嘉坡	一七·九六八	馬尼刺	一·六六一
加拿大	四五·七九一	澳大利亞洲	八·七三五
美國	一·一九五·一〇三	丹麥	一二
爪哇	二·一〇六	法屬印度支那	一·二五一
法國	三·三九六	瑞典	一一三
意大利	一〇	共計	一·四二八·八五

去年年終耶穌聖誕節將近之時。經營此業者最為忙碌。蓋歐美人士。當此節令。多以各種玩具及新奇物品餽贈親友。麻雀牌實為一最趨時且最適宜之禮品。故業此者。預料屆時購者必多。乃努力增加其出品。結果

不出所料。當聖誕節將近時。購者較前倍蓰也。

前謂我國今年之麻雀牌。國外貿易總額當達三百萬元。此尚不足以代表此業出口之實在情形。蓋麻雀牌之輸出外洋。不盡為商人之事。即通常之旅客。當彼赴歐美各國時。亦每于其行李中雜置麻雀牌若干副。或餽親友。或轉販賣以圖利。與私帶各種絲織品花邊裝飾品等。其作用正復相同。一人之所攜者雖微。若旅客中十人有三四人攜帶者。其數即甚可觀。凡此海關出口紀錄中皆無從列入。前述三百萬元之估計。凡旅客私帶者皆未計在內。故與出口總額之實數。相差尚遠也。香港之麻雀牌業。近亦發達極速。與中國內部幾可並駕齊驅。當去年春季內。由該處運出之麻雀牌。其輸入美國者。總值為美金二萬三千六百零五元。其輸入檀香山者。總值為美金二萬元云。

最近二十年來。沿揚子江各城市。幾無有不製造麻雀牌者。其他南方各城市之從事于此者亦甚多。當此牌尚未風行全球之時。其銷場多祇限于一城或一鎮。故製者雖多。其規模則皆甚陋劣。迄今此牌需求之廣。已非昔日可比。而各城市製造之方法。仍墨守舊規。毫無改進之處。工廠設備之不同。出品之遲緩。仍與十餘年前相差不遠。與新近創始之麻雀牌公司。專備銷行于西洋各國。以應國外之需求者。情形蓋完全不同也。

歐美人士之最先習染此種賭博者。多係少數僑居于中國之商人。彼等因職務關係。不得不勾留異鄉。于公餘無聊之時。偶見此種賭博。以為新奇。久而亦頗嫺熟。于是蓋覺逸趣橫生。乃以此為公餘消遣之品。漸漸親



友輩互相傳述。外人之諸此者乃日多。此輩人士。當返其故鄉之時。多以麻雀牌帶歸。以爲中華之特產。于是歐美各國此牌之踪跡漸盛。今則彼邦上自詩人雅士。下至販夫走卒。幾無不作竹林之游者。風行之盛。實出意料之外也。此牌牌面雖多花紋。但亦間用字體。故外人之于中國文字。毫無智識者。初習時亦頗感困難。製造者爲便利外人起見。乃另製一種。專供外人用之麻雀牌。其形式較普通略大。牌角上多另鐫英文數字。此多係上海蘇州甯波及杭州等處諸新創設之麻雀公司所製者。此業之中心。當推上海。此埠之出品。最佔多數。且牌多係由該埠輸出者。故上海又爲此業之分配中心也。

自民國九年以來。美洲及歐洲對於麻雀牌之需求。既日增無已。我國雖盡力增加出品。但終不敷分配。從未有供求相抵之時。于是有少數眼光遠大之商人。知此業之前途未可限量。乃起而創設公司。改良出品。專以迎合外人心理爲主。以應此驟然而來出人意外之新需求。當此業尙在草創時代。價格尙無一定標準之時。經營者往往獲極厚之利息。一副平庸粗劣之牌。售價多極高昂。而外人之視此。殆與古董古玩並列。又爲趨時及好奇心所使。故價格雖如何高昂。仍不以爲意。購之如常。且有誤認此等粗劣之牌爲象牙所製成者。故其售價縱較在中國高十倍。彼尙以爲甚廉。其後購者于此之聞見漸廣。經驗漸富。方知以前所認爲象牙之牌。乃用牛骨所製成。並非珍品。又加以此業之競爭者日多。于是麻雀牌之市價。漸有標準。價格日跌。但即如此。經營此業者之利益。仍極豐厚也。

當此業銷場驟盛之時。製造者一時因器具之不適當。規模之狹小。不足以應付其新起之環境。于是每出下策。以劣貨敷衍。以冀獲利。此實一不幸之事。但其出品雖陳腐陋劣。一般輸出商。仍盡力收買。而國外之購者。亦仍以之爲新奇之貨品。而爭先購買。故其銷場終不受影響。尤有進者。一般經營出口者。對於麻雀牌之製造手續。多毫無所知。更不能辨其品質之優劣。其亦市場上劣貨充斥之一原因也。當此牌初受外人歡迎之時。商人中之于此業製造方法有經驗者頗少。且多以爲此業之利息雖厚。但此祇暫時之現象。公衆之狂熱。終不可持久。故鮮有于此加以精切之研究者。此後見歐美人士等對於麻雀牌之狂熱。非特不減低。且與日俱增。其銷場全無衰落之現象。于是專門研究麻雀牌業者漸多。精心研究其生產之程序。其出品乃日精。初經營出口者。多以輸出麻雀牌爲其附帶之事業。至是見加入其業者日多。利息漸薄。遂不復以此爲業。于是一般新起之商人。一方面製造出品。一方面兼理出口事業。麻雀牌不過一玩具耳。而今乃寢成爲一國之實業矣。

(未完)

### 收到已溼

某處郵局當天雨時。不小心將函件許多弄濕了。爲欲逃責任。刻好一顆「收到已濕」四字的圖章打上。但是打得高興了。將未濕的也打上此章不少。沒奈何。索性一大包都放水裏去浸一浸。



# 國內外一週大事紀

自七月二十三日至三十日

## (一) 國外之部

### ▲倫敦會議 英法

意比諸國倫敦會議之惟一任務。在解決多年懸案之對德賠償問題。往年協約國開會屢屢開會討論該項問題。卒以英法意見相距過遠。皆告失敗。此次與已往情形不同之點。一為有美國道威斯專家計畫。為之根據。一為美國之非正式參加。美國務卿休士借律師公會招待之機會。願非正式執幹旋之勢。加以英法當局。皆為歐洲政界之新人物。故世人以能收功效期之願大會自七月十六日開幕以來。重要事件。猶未有所解決。而美銀行家對於十九日第一委員會所起草條約。先表示不滿。以為該約對於計

倫敦會議中之心  
專家委員會員長道威斯



美國道威斯君年五十九歲。素習法律。後治律師業。與柏森將軍相識。柏森氏即前年歐戰中之美軍總司令也。在一八九六年麥金萊總統運動時代。氏為之出力不少。旋被任為幣制監督。一九一七年六月赴法。佐柏森軍事。次年受職陸軍上校。又次年陞少將。旋辭軍職。充聯邦豫算局局長。先是凡爾塞條約本設有德國賠款常設委員會。受法人支配。成績殊少。英人力主另設一德國賠償力調查委員會。法國堅執不許。後乃以作為上述常設會之諮詢機關。及不涉一切對德政治問題為條件。于一九二三年十一月卅日。設于巴黎。由英美意比各出委員三人。以道威斯為會長。自本年一月十一日起開議。至四月八日議畢。九日提出上述常設委員會。是為今日倫敦會議討論之中心。道威斯現已由美國民主黨推為副總統候補人。實將來具有大希望之世界人物也。

決。二十三日之全體大會。未有顯著進步。亦未有具體之決議。惟決組織法學委員會。以決定專家計畫。是否載有超過對德和約各條文之條款。並決定如何可使德國代表蒞會商榷之辦法。二十四日英法比三國總

對德國四千萬磅借款之投資家。並未給予充分之担保。法國報紙對此頗有微詞。羣認為有極端困難。謂赫禮歐氏如不給予銀行家可應得之擔保。則專家計畫即成畫餅。倘果認可。則必修正凡爾塞和約。又非法國輿論所許。於是此事遂成此次會議中難問題之一。幸廿七日法財政專家數人已抵倫敦。當可協助解



揆及意代表會晤。談商所組法學家委員會異日決定專家計畫。與對德和約有無重要異點。必須商諸德代表之問題。時大會應採行之方法。惟未討論銀行家所要求新擔保之問題。二十五日第二委員會繕定報告書。關於道威維斯計畫實施一層。擬以八月十五日為德國通過法案。以應賠償委員會魯爾要求之日期。並以十月十五日為法比完全撤銷魯爾經濟佔領之日期。又佔領軍安

全問題。仍擱置未決。英法專家對於在扼要地點。留置法比鐵路人員問題意見亦不一致。二十六日會議對英法法學家商榷招德代表列席一事。決定有招致德代表之必要。俾德代表可於實施道威維斯計畫之辦法。陳述其意見。初不欲強其承認任何事項。二十七日英相麥克唐納爾氏。向法比兩總

揆提議。謂法比如能接受立即撤銷魯爾軍事佔領之建議。則與德國爽約問題有關之第一委員會報告書。即可容易通過。而法國方面有要求德國賠償駐兵魯爾費用之說。如得妥協則撤兵可望實行。二十八日午後開全體大會。決定再將請德代表與會之問題。交五協約國總代表討論之。



美國人支起移民條例的傘遮日光

▲日俄會議 日本于二十四日之閣議。已決定對俄方針。如下。(一)自來為交涉難題之北庫頁撤兵。日本願照行。而要求在佔領中所允准之個人資本家。炭礦油田經營權仍須承認。(二)廟街俄人殺日僑事件之謝罪形式。聽俄國自擇。(三)日本聲明北庫頁自動撤兵。(四)舊時約中日俄戰後模資茅斯約必須承認繼續。餘可適宜改訂。(五)舊債問題待

他日會議解決。芳澤日使於視察北庫頁後。二十九日即由日回北京。根據以上方針。向俄代表加拉罕提出交涉。大致八月十日前左右交涉可望開始云。

▲日本加稅 日本此次特別議會通過奢侈品輸入稅增加案。預定于八月一日實行。稅率增至值百抽百。舉凡一切日常用品。均包括在內。共達六百餘種。此法施行

後。外國貨行將絕跡。而吾國在日本及朝鮮商人。尤受莫大之打擊。中國政府雖擬提出交涉。但恐亦未必有效耳。

## (二) 國內之部

▲北京政局 過去一週中。北京政局。除顏惠慶組閣案而外。絕少重要之問題足資紀載。顏閣同意案。自提出後迄已半月有餘。惟以顏氏於議



員向不接近。此次雖經府方推薦。而本人並未能示惠於議員。閣案形勢乃未見十分順利。初以吳毓麟王毓芝等爲之疏通。該案始得列入衆院二十五日議程。然民治社等政團以條件未協。仍利用撤消代閣等案以爲延緩討論之辦法。二十四日顏於萬牲園召宴衆議員。表示好意。先期非正式宣布對內對外之政見。對內不主空談統一和平。祇求實際團結。內部維持秩序。對財政擬力謀整理。公開解決。對外主根據華會各約以決進止。惟議員之態度初不因政見異同而生變化。故次日衆院會議仍由呂復臨時動議變更日程。先提彈劾全體閣員結束聽債案置同意案不議。又以人數票數不符延至下午六時一開而散。顏以同意案通過無把握。意態消極。私請撤回。爲王毓芝勸止。高凌霨見曹請敷衍孫洪伊轉



二〇

移民治社客。氣王克毓王毓芝等不以爲然。民治社益憤。同意案遂呈僵勢。同時京中政議紛起。反對外交系方面。甚至傳出顧維鈞排顏之說。惟顧態度極冷靜。當二十五日衆院議顏閣同意案時。已飭院內司員準備交代。無冀延代閣之意。茲案在今日。已北京公府與國會間交爭問題云。

▲外交財政 近未外交上之最堪注意者仍爲中俄問題。自中俄協定於極秘密中宣布簽定後。與俄反對之各國。既忌且憤。乃借交還俄使館問題。爲種種刁難。經外交部一再駁復。至廿四日乃由顧外長居間約美使休門博士在顧氏私宅與加拉罕會晤。作非正式之協商。因美使今已爲簽字於辛丑條約資格最老之外交團代表。既承認加拉罕爲俄國之駐京代表。而與之會晤。則此案自可



認爲已有相當結果。同時上海俄領館亦於二十四日下午三時三十分完全交由蘇俄代表依勒德實行接收。中俄正式會議之障礙既漸見肅清。加拉罕亦於三十一日以大使資格對曹錕氏呈遞國書。大致正式會議開幕即在目前。至奉天方面。因政治關係不願有受北京政府命令之嫌疑。聞奉張仍主分別辦理。因東省與俄交涉發生在前。至解決後。報告中央由外部正式簽字。期於統籌並顧。對外一致云。關於財政問題。各界屬目之德發債票案。雖告解決。而提款發生糾葛。不僅法俄日三行款不放。並英國預先約定之二十二萬五千磅。亦不放還。據聞匯豐匯理道勝正金四行曾聯合致函財部。謂財部於民國七年有函聲明不許德華銀行回復戰前狀態。今中德協定。與前函違背。故將四行應交回中政府之款全部留置。以促中政府反省。然依銀行團所宣稱。則謂德華復業與發債被扣係屬兩事。發債被扣。實與巴黎之德國賠款委員會有關。以致北京政府雖有飭駐英朱兆莘代辦向法院起訴之議。迄未實行呈訴。蓋以此事已引起參戰國全體注意。恐紛糾正未有已。而北京財政益限於困境矣。

▲東南大局 本週問東南大局之可加注意者。首爲皖省六安刀匪作亂之事。先是六安刀匪因反對駐六官軍及縣知事之故。於上月杪起事。占據城池。舉動文明。皖督馬聯甲先派新任皖北鎮守使史俊玉帶兵攻勦。迄未得手。後經蘇齊調兵一團由徐州入皖。馬乃嚴飭所部。分路進取。刀匪因力薄。乃從該處商會會長之勸。籌出現款二萬五千元。於十七夜

間由夏雲峯等携衆出城。至次日午刻王尙林團長入城。軍隊騷擾。乃過於土匪。然因此之故。馬聯甲又已擴充武裝警察一營於蚌埠。並招新兵一營於廬州。行將擴充成團。又不意六安之匪方退。合肥之警報忽傳。於二十二日匪衆千餘突攻縣城。賴徐馬兩營內外夾攻。城圍乃解。然皖人倒馬運動。醞釀已久。觀於盱眙縣土匪於二十七日逼近城區。知事眷屬先行。城紳遷徙一空。可者亂機四伏。未可樂觀。加以皖省爲蘇齊勢力範圍。而洛吳時懷攘奪。近已有電至京。力詆馬氏無能。保閻治堂督皖。閻固曹之義子而吳之親呢也。今後皖局之變化。益堪注意矣。次乎皖省之事。則爲福建問題。閩省財政本極艱窘。財政廳每月收入僅兩萬元。除應用一萬七千外。尙剩三千。而全省軍政兩費預算須每月一百二十萬元。其爲困難。自可想見。因是之故。孫傳芳欲出閩發展而不可得。周蔭人欲逐薩鎮冰而自兼省長。皆與財政問題有密切之關係。甚至張毅不忘奪取廈門（二十三夜十時張兵欲渡廈。爲泊鼓浪嶼後之戰艦所阻。射擊半小時）海軍在廈苛捐激變（廈商民於二十七日至二十九日反對海軍辦公安濟用捐罷市）無一非爭地盤奪權利之作用。此外關於江浙方面。則浙省盧督辦因維持地方治安。將竄入浙邊之賊致平。楊化昭兩部分編爲補充旅與邊防軍。以臧任督署總參議兼督練邊防軍隊事務。以楊任邊防司令。駐在常山。并發表條例十一條以資遵守。因是之故。盛傳洛吳將不利於浙。有令閩贛蘇皖等處五路攻浙之議。南京方面亦且公然宣傳此事。且蘇省近在魯招兵萬人。復向皖馬借大砲八尊。於二十



七日由蚌埠運寧。最近又傳洛吳授意閩贛籌款遣散戚楊兩部。果爾是直有意挑釁。破壞東南大局矣。

△兩廣戰訊 廣東孫陳戰事。因(一)大水(二)無餉(三)軍隊內訌之故。殊形停頓。湘軍第六師長王都慶曾於九日率二千衆叛投林虎。士氣益形懈惰。雖最高將領如譚延闓楊希閔之流。尙思振作奮鬥。而部下提挈不起。一時殆難望有甚大之進展。然而陳軍方面。情勢亦大致相同。將領各懷意見。士卒無心力戰。此粵省戰事之所以久處沈悶狀態也。廣西本爲陸榮廷沈鴻英之爭地。乃久駐梧州一帶之黃紹雄李宗仁等。竟乘機入占南甯。至使沈陳又有由分而合之勢。黃李皆林虎舊部。年來周旋各方。蓄養實力。頗有可觀。李於十六日曾在南甯就定桂討賊聯軍總指揮之職。並與黃紹雄商推張一氣爲臨時省長。此態度固已不盡受中山命令。此事有無林虎之縱其間。固不可知。然而林氏舊部在桂得漁人之利。或將影響於粵局之前途。亦意中事也。

△沙面罷工 自廣州沙面炸彈案發生而後。英法領事藉口於沙面治安。訂新警律十二條。炸彈案兇手雖明係安南人。而該律則完全對華人而設。因是激起華人之反動。沙面而巡捕等首先罷工。離開沙面。組織罷工團。廣州各界亦爲罷工團聲援。罷工之後。外人生活上商業上雖極感受損失。而英法領事態度尙少變更。調人鄺達生等奔走數次。終以雙方各堅持條件不肯讓步。未能收效。罷工團以英法領事不能容納其主張。益憤慨。太古等各洋行華工數千人。於二十四日早一律罷工。二十

七日工聯總會電英國會。謂英領頒苛待華人例。違反國際平等主義。乞維持公道。罷工團本部亦聲稱往來港省間之輪船亦將悉令罷工。此時雖尙未實現。但照目下形勢罷工風潮。祇有日益擴大。將來恐推及至於香港全埠。其時英人計受損失。將更不貲矣。

△教育近況 當此軍閥政治之下。原無教育之可言。而經費恐慌不能發展。尤爲國內各教育機關一致之現象。北京國立八校。年必罷課索薪數次。其他各地更屬無論矣。其中比較的尙能從事發展者。則有江浙兩省。然江蘇教育費常積欠兩月。捉襟見肘。厥狀亦至困難。最近安徽省立各學校聯合會因經費無著。於二十七日開會。決議若五六月三個月經費不發清。則下期開學日期。決定從緩。教育狀況之惡劣既如此。於是國內教育界乃不能不希望各國退還之庚子賠款。用諸教育事業爲惟一之救濟。北京國立八校既發表宣言於前。全國教聯會退還庚子賠款事宜委員會。復於二十四日發佈通電。咸主張用爲擴充教育文化。顧洛吳主張堅持賠款修路興學。電中有發達交通。卽以振興文化。獲利興學。更可永固基金等語。此主張之當否姑不論。但與全國教育界之期望。則大相懸殊。日前北京四部會議。對此問題尙未能有何決定。可見此事幾成爲教育界最近之大問題矣。



# 丈夫之祕密 (上)

Beulah Sammis Wilson 原著  
馬二先生達惜

「李士德夫人。我祝你享盡世間的快樂。」

這一句話。早使那位新娘綠蘿小姐吃了一驚。她今天正在吳特我大禮拜堂中。當着許多來來去去如流水一般的親友們。和她心愛的人行結婚禮。一隻結婚約指。光閃閃的套在她筍芽般的手指上。此時婚禮已畢。她正與李士德那隻强有力的大手挽着。向斜側的甬道中走來。祇聽得樂聲洋洋。正奏着樂塞林 Lohengrin 新婚曲。陡然間被一羣親友們圍住了。其中第一個開口稱頌的。便是賈赦。

賈赦見綠蘿似乎吃驚的樣子。不由得他那張冷靜的臉上。現出微笑。續說道。「我想第一次改稱呼。却是一件奇事。綠蘿小姐忽然變作李士德夫人。而李士德先生。又是我的老朋友。這樣的喜事盛典。理應稱賀。我要舉行我的特殊典禮。」他一邊說着。便彎身把嘴唇向新娘的嘴上用力吻了一下。綠蘿冷不防。急向後一閃。心中大大吃一驚。又是懊惱。想道。「這是結婚後第一個吻。却讓他搶去了。記得方纔在祈禱場中。婚禮告成時。照例新郎須向新娘接吻。然而李士德却不曾。如今竟被賈赦將丈夫的權利擅行越俎奪去。」十分不樂。登時沉下臉來答道。「多謝閣下。一個人忽然改了名稱。確是一件小小的奇事。我巴望女孩家結婚時。都同具此感想。樣樣事物都改變了。都與以前不同。更加新鮮了。」

說罷。舉眼看李士德時。却見他正在那邊與她的姑母瑪霞談話。她此時雖然被賈赦無端混擾了一下。然而畢竟終身的大事已定。儼然爲李士德夫人了。其餘小節。何足介意呢。

綠蘿偕李士德登車時。她的姑母瑪霞。從她的身後不住用雙手代她整理頭上的白紗。綠蘿在車中。喜孜孜彷彿做夢一般。偎着身旁的人。低低的稱了一聲「我的丈夫。」這個稱呼。原很平常。但在此時的綠蘿口中呼出。却是十分甜蜜。十分親切。李士德當然受了這種甜密的暗示。也要有相當的回敬。因緊緊的握着她的手。低聲說道。我親愛的綠蘿。我祇不信。我們婚禮已舉行過了。我此後祇願使你常常的快樂。無一時一刻不快樂。我方滿意。」綠蘿微笑說。「快樂嗎。我簡直的要發狂了。我已說不出怎樣的快樂了。但是你却忘却一件事。你還不會吻我呢。」說着把臉龐一揚。那張深紅噴香櫻唇。直送到他的臉側。李士德便俯首用力吻了下去。

在這一吻的當兒裏。他眼睛瞧着她那一雙棕色秀目。十分快意。心中却忽觸到他懷前袋中的一封信。這封信爲什麼單單今日寄來。使他舊事重提呢。可算是神遣鬼使的了。原來李士德在十八個月以前。曾有一位女友。芳名海瀾。當時確是十分親密。直到最近數月以前。方纔把她



漸漸的淡忘了。而代以眼前並假的綠蘿。無端今日又接到這一封海淵的來信。却又面對着新人。不由得心中十分愧歉。因按定綠蘿。一面竭力的吻着她的香唇。一面很不自在的說道。「以前的事。我也不必說了。請你原諒。我們以後的快樂。當然是地久與天長。」

他們蜜月的第一步。預定在鄉間勾留幾天。領略那些山花野樹。流水平曠的風景。早經租定了一所極寬敞的住宅。並有小小的花園。十分清潔幽雅。他們二人到了那宅中之後。李士德立刻向電局中發電報。報告她的姑母瑪霞。綠蘿稍徘徊了一刻。見有許多行囊堆在臥室。心裏打算着不如趁着無事。把行李解開鋪好。把一切東西都擺放停妥。也見得做妻子對於丈夫相愛的誠意。

這時候。僕人們都在樓下。綠蘿也不呼喊。便親自動手。一樣一樣的打開安放。不一刻已樣樣都井井的安擺好了。李士德却還不會回來。一隻大衣箱。近在手邊。不會鎖。她立刻打開來。把內中的東西。一一檢點。襯衫。襪子。領帶等等。她都用纖手檢出。向唇邊吻過。又看見一件禮服。認得是結婚那日所着的。因為那襟上插花的所在。還有餘痕呢。她拾起這件衣服。向頰上親偎時。忽從那袋中落下幾封信來。她一一的拾起。想道。這必是他的舊時老朋友們寄來的信。不料在這幾封信中。陡然見有一封信。信壳外所寫的稱呼。刺入她的眼中。

我最親愛的李士德。

「這是誰。竟用這樣親熱的稱呼呢。他的母親早經去世。他又無親

姊妹。」她當下注視這封信。十分疑惑。細看發信的地方。乃是大陶旅館。發信的日期。正是結婚的那一日。這更奇怪了。她忍不住喃喃自語道。「我必須——必須——必須看個究竟。」拆出那張信箋看時。上面寫是我最親愛的李士德。我又回來了。兩個月前。我的丈夫已於南



(一圖) 綠蘿知李士德和她結婚的心願所屬

美地方患熱病身故。我稍為料理。向律師接收財產之後。便回向大陶來。使你驚喜一番。親愛的。我想到當初你的臂膊。繞着我的頭後。與我相吻時的情形。我幾乎要發抖了。但目下障礙已去。我夫克魯。遺下之財產。足供我們二人快樂半世。你記否當初我



拒絕你向我求婚嗎。那時我祇爲你我皆窮乏。其實。我何嘗不愛你呢。我明明知道你很愛我。而又不能不拒絕你求婚。我心中的痛苦。幾如刀割碎了。然而現在時勢已變。你我皆已富有。復合之時期已到。我對於克魯。並無絲毫愛情。又是你素來知道的。盼你今晚即來會面。我專候你來。再圍抱於你那親愛的臂膊中。

### 你心坎上的海瀾

這一通熱烈語句。入在綠蘿的腦中。差不多等於犀利的白刃。她幾如被重創的動物一般。攤伏在地板上。眼看着這屋中各種陳設很華美的。都變爲可憎厭的樣子了。記得當初李士德求婚時。曾覷着那副可恥的面目。說是自身窮苦。恐被傍人恥笑議論。說他是仰攀女人的貲財。她那時正在高興的當兒。連忙一隻手堵住他的嘴。向他耳邊小語道。「既然相愛。傍人的議論何足計較。」她想到此處。宛似肉體受了重大的打擊。眼看着手中的那封信。覺得前途幸福之夢。已成泡幻了。頓時兩手冰冷。連忙把衣箱中一切東西都照原樣歸置。作爲不會動的一般。剛剛收拾完了。早聽見身後足步聲。回頭望時。却見李士德手裏拿着一朵黃色玫瑰花。走進門來。又隨手把房門掩上。一歪身。坐在她的身邊。又用一隻臂膊撲着她的頸子。笑臉問道。「我愛。你做什麼呢。還不歇息歇息。你太爲我費心了。何不把這些不相干的事。交給女僕們做。你看這朵黃色的玫瑰。專爲你晚裝時用的。」綠蘿把他的臂膊一推。說。「不要這樣了。我不喜歡這樣。我知道我已錯了。——我已做了一件可怕的大錯。」李

士德立起來問道錯了。「這是什麼話我不懂。究竟是什麼意思啊。」說着他臉上現出很懷疑的樣子來。綠蘿正色說。「沒有別的。便是不愛你了。」李士德聽了。忽冷笑了一聲。說。「哦。竟會有這樣的事嗎。她此時看見他的氣色不似尋常。覺得這人面目十分可憎。十分可怕。越發認爲他必然是傾向於那封情書中的人物海瀾無疑的了。祇聽他又喃喃續語道。「其實。我也未嘗不錯啊。」說着已逡巡的出去了。綠蘿把一雙眼低下來。恰正射在他遺下的那朵黃玫瑰花上。

一星期後。他們二人已回到大陶地方的家中來了。但他們這一對新婚夫婦。除却用膳時。彼此絕不交一語。所謂蜜月。祇是如此的度過。綠蘿常自思道。「怪不得結婚的那一日。他竟會忘記與我接吻。必然當時他祇顧思念寄給他那封情書的海瀾了。假使海瀾當時與他在一起。不知又當作何情景。」又轉念。「海瀾究竟是什麼樣的一個女子呢。是長身材呢。短身材呢。胖呢。瘦呢。」又想起當日曾聽見李士德稱讚一個交際社會的婦人的美貌。那婦人頭髮紅似火炭一般。一雙蔚藍的眼睛。「莫非海瀾便是這般的模樣嗎。」

忽然一天晚餐間。李士德向綠蘿說。「今日我接得老朋友賈赦君的電話。他約你我明晚到他家中去晚餐。我已經答應了。但很希望得你的同意。因爲我和我的交情。不好意思不去的。」綠蘿聽了。不語。心中沉吟道。「賈赦這個人。不便是那結婚日在教堂中強行吻我的那個人嗎。這人其實可惡。當時若不因爲他是我丈夫的老朋友。早已給他下不去



了。如今還能赴他的約會嗎？」轉而一想：「究竟他是李士德的老朋友。如今若拒却時，李士德必然又誤會了。以爲我是瞧不起他。遂連他的朋友都瞧不起了。」她於是竟一口答應同去。

到了次晚，她祇輕粧淡抹，和李士德同車前往。那賈赦的住宅本來相距不遠，一會兒到了。賈赦很高興的迎了出來了。先和李士德招呼了。



面對郎女之愛所夫其與正羅綠(二圖)

又和綠蘿握手說：「李士德夫人，能賞光，真是榮幸之至。我想我和李士德君是老朋友，縱有齒牙之虞，諒夫人必能原宥。」說着很懇動的讓到屋內。又說：「我今天還有一位女客，我得介紹。她不但我的老朋友，並且是李士德君的老朋友。」說着，又引着他們夫婦二人到了裏間。祇見一張沙發上，坐着一位女郎。同時便聽見李士德驚呼道：「海瀾是你嗎？」

綠蘿聽了這名字，宛如把心吊在冰桶裏一般。忽覺得自己彷彿那日跪在地上收拾衣箱，手中持着這女子寫給李士德的那一封信的光景。正在出神，忽又覺得有人向自己說話，却是海瀾拉着自己的手，口中無非是稱賀自己新婚的話頭。接着就見那女子和李士德很親密的交談起來。李士德一面與海瀾說話，一面便把海瀾一隻雪白的手握在他的手中。

此時，賈赦忽向綠蘿方面走來，低聲說：「如何，李士德夫人，你瞧一個人遇見老朋友，那種親熱，真是說不出來啊。李士德君看見海瀾，真是喜外的欣喜。我本來要先告知他，海瀾教我不要先說，好讓他吃一驚。」綠蘿道：「吃一驚？」賈赦道：「正是當初海瀾未嫁與那位美洲富翁之前，她與李士德君非常友好，後來差不多有二年不曾見面。如今海瀾的丈夫是已去世了，而李士德君却剛剛新婚，而並且娶到一位很漂亮的夫人，說到此處，又笑了一笑說：「這並不是恭維的話，我以爲夫人確是很漂亮的。我想，海瀾看李士德君已結婚了，必然詫異得很。」綠蘿忙問：「這又是什麼緣故呢？」她問時，表面上故意裝做很鎮靜的樣子，其實她心中却不然。聽了賈赦的話，句句打入心坎，都似利刀一般，十分痛楚。那賈赦早已瞧料透了，却暗自欣幸，他正想乘機打動綠蘿的妬意，俟她忍無可忍時，再進行第二步辦法，好達到他最初的希望。當下却也假做不經意的樣子，祇淡淡的答道：「我想她萬不料李士德君會結婚如此之速，用膳罷，我們到那邊去罷。」說着，伸過一條膀子來，綠蘿祇得扶了。



他仍是一邊走着一邊說話。

餐桌是圓式的。綠蘿就座後。用心打諒海瀾。十分真切。覺得電光燈下。這個青年嬌婦。確是萬分體面。明艷動人。又對於李士德溫溫軟軟。分外精神。綠蘿越留神看。越是生氣。然而素性高傲。又不便當着人示弱。祇時掉過臉來。和賈赦有一搭沒一搭的閑話。賈赦因說道。「夫人。我這裏有許海神像。頗為名譽。不可不賞鑑賞鑑。」又向李士德及海瀾二人方面努嘴。低聲道。「他們兩個談得話都堆起來了。姑且不必驚動。」說着便離席。藉此引綠蘿到一小間裏。繡幔深垂。幽靜無比。他便與她促膝談起話來。綠蘿本來一腔妬忿。藉此離去眼前可恨的形狀。也未嘗不可。對

## 二孤女影片之新評論

記者

「二孤女」影片於一九二三年運來中國。歷演於上海卡爾登戲院及上海大戲院。譯名「亂世孤雛」。後運至北京平安影戲館。改譯「二孤女」。當一九二二年風行美國之時。正記者僑寓美京之日。影片所至。全城士女。趨之若狂。銀幕之前。觀者座滿。每至警采之處。場中婦女。無不淚下霑巾。其動人之深。價值之高。於斯足證。抑嘗論「二孤女」影片。所以易性移情。固由乎演員藝術上之優美。然亦因其另有文學上之價值。試分別述之。

「二孤女」在文學上之價值

「二孤女」一片。不能僅視為單純藝術上之作品。實含有政治教育之深意。

於賈赦。却並不在意。賈赦却因此得近芳姿。十分傲倖。暗笑李士德是個獸子。不料他正在得意與綠蘿親近的當兒裏。忽覺身後有人。一回頭。却見是海瀾。海瀾見了這般情景。陡的忙了一忙。隨即向前握了綠蘿的手。說。「李士德夫人。再會再會。我今天得會賢夫婦。十分欣幸。我與李士德君原是舊友。想來賈赦君必然已告知夫人了。我此回到大陶來。覺得樣事物都變更了。夫人如念到我的寂寞。或者許我到府奉謁嗎。」綠蘿本不願和此女多說什麼。但因有賈赦在側。自己猶想矯為無事的樣子。因強作微笑。說。「這是自然。我對於李士德的舊友。當然歡迎。敝宅地址。想必拙夫已告知了。無論何時。高興祇管請過來談談。」（未完）

不僅供兒女啼笑之資料。實足為世界政治之鍼砭。美國物力豐阜。民生康泰。國民類多安居樂業。滿足現狀。其對於政治上之見解。既深惡夫專制時代之虐政。又痛絕乎最新社會主義之潮流。隱然以美國政府為世界最適宜得中之制度。此美國之生活環境。實所以造成此項之國民心理。而「二孤女」一片。又實以此項普遍之國民心理。為其背景者也。片中前半截。形容君主專制。貴族驕橫。種種殘民污政。階級不平之情。淋漓盡致。固足令人髮指。而後半截。描述亂民專制。無法無天。狂歡市舞。草菅人命。凌亂殘暴。水深火熱之狀。酣暢無遺。更足令人切齒。以兩種極端之政治現象。同時現於銀幕之上。迨至幕終人散。歸途之中。回想前情。殆未



有不慨歎矯枉過正。過猶不及之道。而有悟夫君主專制固當摒棄。暴民政治又何嘗足戀。「二孤女」之印像。至是遂長留人間。而「二孤女」出世之任務。亦至是而完成矣。

二孤女之作。結構精潔。佈局完密。綜觀全片情事。政治興革。可歌可泣。乃以伶仃孤苦之星蘭露依二女子。爲其主幹。前後君主專制與暴民亂政。兩段史實。又絕對相反也。則以亨蘭一人貫穿之。當君權極盛之時。亨露

二女。一則以色見。却豪

貴。一則以歌被虐。惡婦

及至君主推翻。亂民執

政。范特蘭以貴族而見

繫。亨蘭復以匿犯而連

坐。故亨蘭又爲全劇主

中之主。以一人之身聯

貫兩代虐政。此「二孤



裴斯開登爲電影界之滑稽明星。日前卡爾登所映之「錯調文憑」。英文原名爲 Electric House。即此君之作也。近又新製一影片。名 Sherlock, Jr. 其精彩遠出以前所演諸片之上。此像即裴斯在 Sherlock Jr. 中之神情也。(S)

斃貧女。怡然勿顧。徐徐出一金錢。貽其父母。而反殷殷詢問「傷我馬乎」。此等處皆作者匠心獨造。設詞雋妙。觀者於遊目騁懷之餘。不能不賞鑒及其文學上之美麗也。

「二孤女」於一事一物。

女」。作者苦心結構。煞費經營之處也。普通影片因常欲達到美滿結局之故。每不免牽強造作。情節生湊。「二孤女」影片。則全無此弊。線索分明。無一事憑空。無一筆無根。如亨蘭所以駢坐死刑。則因比雷碰鼻之仇。范特蘭所以幾致不免。則傑恩在伯爵邸中一面之誤。二人並得丹頓之救。則又因亨蘭有俠腸救義之恩。范特蘭有博施濟衆之惠。又如露依盲目復明。初已伏案於就醫巴黎之日。繼則見端於亨蘭被繫獄中偶語醫

者之時。凡此諸端。渾成自然。天衣無縫。又皆「二孤女」精思構撰佈局嚴密之處也。

「二孤女」影片。文思之巧。運筆之工。尤爲普通影片所罕見。如亨蘭就審大法庭時。情人則判上斷頭臺。己身亦同歸黃泉路。人生至此。夫復何言。而乃關念及其盲妹。或聞之傷心。猶低聲囑審判官「幸毋高聲。勿使盲妹聞此判語」。嗚呼。此固人情之慘變。然亦絕妙之詞林。侯爵車輪輾斃貧女。怡然勿顧。徐徐出一金錢。貽其父母。而反殷殷詢問「傷我馬乎」。此等處皆作者匠心獨造。設詞雋妙。觀者於遊目騁懷之餘。不能不賞鑒及其文學上之美麗也。

無不形容盡致。人木三分。描寫社會之不平。則如貴族夜宴。酒池肉林。貧民則骨瘦如柴。佇立窗外。凝望麵包累累。銜指於口。垂涎欲酒。滴朱門肉臭。路有餓死骨。不足以過之。形容貴族之殘暴。則傑恩之父。慘遭炮烙。於傑恩腦筋中。印像了之。形容貴族之昏亂。則爵邸夜舞。玉體橫陳。輕薄狎邪之狀。獨於初入城市之村姑——亨蘭——口中大呼「衆賓之中。無一君子」。形容平民舞弊。則蘋果之中。可藏金錢。形容亨蘭尋妹情急。則



路上婦女輾至誤認爲妹。

「二孤女」最足動人之處。即在亨露二人。勞燕分飛。備經險苦。乃造物弄人。故使離而復合。又使合而復失。每於緊要關頭。天涯咫尺。失之交臂。令人徒喚奈何。如樓頭聞曲。隔窗相望。如法庭相晤。已判囹圄。如囚車待發。僅博一吻。如斷頭台上。祇有凝視。凡人情所最不能堪者。乃最能動人者也。「二孤女」作者。殆能研透觀者心理狀態矣。

以上諸點。其所以動人哀樂。感人性情。與其謂有表演之工。無甯謂爲文學之美也。

「二孤女」在藝術上之價值

雖然劇本佳矣。苟使演員藝術不足副之。仍不足稱全美。而「二孤女」影片。藝術之優尙。表情之細膩。誠有令人可歌可泣。如泣如訴之概。亨蘭念妹情切。刻刻心頭。樓窗對話。隱約聞歌。心注神往之狀。悽愴欲絕。及至

## 評費爾般之風塵豪俠

The Mollycoddle

一得

自「三劍客」與「駱賓虎」二影片運來中國後。一般看客。殆無人不欽羨費爾般之藝術。近者費氏所演之「風塵豪俠」影片。又映于上海。觀者歡迎之熱烈情況。亦視前二片不多讓。

余以爲氏之藝術固已臻絕諸。然劇本及



此君即「羅賓漢」影片中飾英王李却者。近於「風塵豪俠」Mollycoddle片中飾一私販。此即私販作船長裝之神情也。

導演者之功。亦未可沒也。卽以此片論。其中之穿插結構。無一不具深微精細之思想。費爾般所飾之互都麥雪爾。初爲三少年置于柳箱中。然表演時。祇見箱。初不見箱中有人也。忽一犬繞箱而嗅。且以爪抓箱欲啓之。於是不必藉一字之說明。而觀衆已知箱中有

亨蘭倚窗驚呼。露依聞聲亂撞。樓上樓下。雲山萬重。驚喜交集。涕泗橫流。卒至格於暴力。失之咫尺。呼天搶地。曷復有極。觀者至是。鉄石心腸。亦當淚下矣。又若惡婦之峻刑虐待。大法庭之殘酷無道。斷頭台之陰森慘裂。人生到此。又幾何不心驚魄悸。腸斷肝摧。至如亨蘭露依。新裝入城。宛變村姑。嬌憨可人。途遇侯爵。驀逢生客。應對進退之際。凝羞欲滴。范特初向亨蘭求婚。言方頹然就抱。忽憶臨別誓言。遽然若夢乍醒。范則驚疑不定。亨則低徊難言。露依雙目既明。亨蘭請其裁可已。婿妹初故意搖。姊乃大窘。再開始含笑點首。凡此表情熨貼。演作委婉之處。非李麗吉舒女郎莫能爲。亦非其他演員莫能配也。

總之「二孤女」影片。文藝既佳。導演亦勝。非技術之精。無以表現文藝之美。亦非文藝之高。不足盡展技術之長。二美俱併。斯成絕作。美人評爲藝術靈魂。環球推爲影界魁。洵不虛矣。



人矣。其後立却被擲海中。爲取魚之網撈起。傾入魚船艙內。臥拉魚堆之上。及逃出之後。行于街市。則有羣貓追隨。觀衆大笑。皆知爲因其衣服沾有魚腥之故。夫電影固有形無聲者。今乃能并氣味而亦表演出來。能不使人驚嘆耶。然而此初不關費氏之藝術。而劇本之細密實有以助之生色也。又立却初見韋璣尼姑娘時。吸煙。姑娘猶爲是英人之習。美

人則恆以紙自捲烟絲吸之。其後立却在船時。即試學捲烟之法。顧乃不能捲成。末幕與韋璣尼並坐石上時。則居然能自行捲烟吸之矣。夫捲煙一細節耳。而寫來遞有層次。且足以映帶出立却愛韋璣尼之誠摯。足見彼邦著影戲劇本者。於劇中穿插。絲毫不肯苟且。願我國爲影戲劇本者。隨時體會。取爲師資。則中國影片。他日或有可觀者焉。

### 衛免大律師代表朱琴心警告李燮陽等啓事

據當事人朱琴心聲稱。伊向在北京以花旦演戲。安分營藝。頃閱報載。有目稱衆議院議員李燮陽等人。發表一種文書。號稱查辦內務總長程克案。該文書內牽涉朱琴心多端。一則謂程克以內務部祕密費向朱琴心買笑。及爲購置別墅用品。再則謂以市政公所公款。爲朱琴心在華樂園捧場。終則謂保案核准。部員遷調。賄賂公行。全由朱琴心關說等等。查程克對於朱琴心縱有餽贈。亦屬法律上贈與行爲。朱琴心並不違法。至關於公務部分。程克以內務總長資格。合法處理。與朱琴心尤不相涉。至於李燮陽等所謂朱琴心爲程克所昵及買笑等語。昵與不昵。笑之肯賣與否。係程克與朱琴心個人交誼。豈該李燮陽等所能干涉。本律師查李燮陽散布此種文書。無非意圖破壞朱琴心名譽。公然肆其侮辱。須知刑律載明。公然侮辱人者。不問事實之有無。俱應論罪。法條煌煌。該李燮陽等。豈得熟視無覩。其心殊不可問。本律師爲此代表朱琴心警告該李燮陽等。限三日內。向衆議院撤消前項發表之查辦案。並登報向朱琴心嚴重道歉。以後永遠不許再有此類侮辱文字發現。倘不遵照本律師警告辦理。本律師爲保護朱琴心名譽起見。惟有訴諸法庭控告。刑章具在。決勿爲李燮陽等寬。勿謂言之不預也。衛免大律師啓。

(淞鷹代擬)(錄上海晶報)